

# Powšitkowne WOZJEWJENJA

njedźelu, 7. oktobra 2012

## Duchowna hudźba a Chagallowe wobrazy

Budyski Katolski tachantski chór zanjese tutu njedźelu, 7. oktobra, we 18.00 w tachantskej cyrkwi swjateho Pětra z orchestrom a solistami Josepha Haydnowa němsku twórbu „Die Schöpfung“. We wołtarnišću pokazaja so k tomu wobrazy molerja Marca Chagalla. Zastup je darmotny.

## Zetkanje samostejacych

Samostejacy ze serbskich wosadow kaž tež dalši zajimcy su sobotu, 20. oktobra, w 14 hodź. do Domu biskopa Bena w Smochćicach přeprašeni. Zajimcy njech so hač do štwórtka, 11. oktobra, w redakciji Katolskeho Posoła přizjewja, telefonowe čisło (0 35 91) 55 02 12. Štóž chce wotewzaty być, njech to prošu zdźěli.

## Zetkanje putnikow

Putnicy, kotřiž su so lětsa z Waršawy do Częstochowy podali, su na zetkanje do Njebjelčic na faru přeprašeni. Tute budže sobotu, 20. oktobra, w 19.30 hodź.

## Zetkanje samostejacych

Samostejacy ze serbskich wosadow kaž tež dalši zajimcy su sobotu, 20. oktobra, w 14 hodź. do Domu biskopa Bena w Smochćicach přeprašeni. Zajimcy njech so hač do štwórtka, 11. oktobra, w redakciji Katolskeho Posoła přizjewja, telefonowe čisło (0 35 91) 55 02 12. Štóž chce wotewzaty być, njech to prošu zdźěli.

## Różowcowe pobožnosće

W Róžeńčanskej hnadownej cyrkwi modli so w měsacu oktobru njedźelu w 17.00 hodź. a štwórtk w 19.00 hodź. różowc. Wěriwi su přeprašeni, so na tym wobdźeleć.

## Wokoło 60lětnje pory přeprašene

Pory wokoło 60lětneho žiwjenskeho lěta su wot pjatka do njedźele, 19. do 21. oktobra, na seminar do Smochčanskeho Domu biskopa Bena přeprašene. Zajimcy měli so w Smochćicach přizjewić, telefonowe čisło (03 59 35) 2 20.

## Wo załoženju Domowiny

Wo załožerjach Domowiny, ke kotrymž liči tež bywši redaktor Katolskeho Posoła, Michał Nawka, wo znowazaloženju w lěće 1945 a wo wozroźenju kulturneho žiwjenja w Radworju porěči tutu njedźelu, 7. oktobra, w 17.00 hodź. Trudla Kuringowa w Radworskim hosćencu „Meja“. Manfred Laduš porěči wo Radworskej Domowinskej skupinje. Wšitcy su wutrobnje přeprašeni.

## Joachim Jauer přednošuje znowa we Łužicy

Wo podźělu křesćanow na zwrěšćenju komunizma budže něhdyši korespondent ZDF w NDR a wuchodnych krajach Joachim Jauer pjatk, 12. oktobra, we Wojerecach přednošować. Zarjadowanje na katolskej farje, Karl-Liebnechtowa 17, zahaji so w 20 hodź. K samsnej temje přednošowaše Joachim Jauer runje před lětom w Chrósćicach na farje.